



TOShKENT HAQIQATI

1928 yil 11 dekabrda asos solingan

Муҳаббат яралган аёл аҳдидан

Хотин-қизлар учун улкан имкониятлар

Давлатимиз раҳбари раислигида 1 март куни хотин-қизларни қўллаб-қувватлаш тизими ҳамда уларнинг жамиятдаги мавқеини янада мустаҳкамлаш масалалари бўйича ўтказилган видеоселектор йиғилишида илгари сурилган ҳаётий ташаббуслар юртимиздаги миллионлаб опа-сингилларимиз қатори мени ҳам қувонтирди. Йиғилишда Янги Ўзбекистон тараққиёт стратегияси доирасида барча хотин-қизларни бирдек қамраб олишга қаратилган янги тизим жорий этилди.

Мазкур тизимнинг мазмун-моҳияти ҳақида кенгроқ мушоҳада юритадиган бўлсак, эндиликда хотин-қизларнинг оила ва жамиятдаги ўрнини янада мустаҳкамлаш борасида белгиланган устувор вазифалар ижросини тизимли тарзда, ҳар бир маҳалла кесимида амалга ошириш билан янги ташкил этилган Оила ва хотин-қизлар давлат қўмитаси шуғулланади.

Йиғилишда давлатимиз раҳбари томонидан ҳар бир йўналишдаги вазифа ва уни амалга ошириш механизми аниқ белгилаб берилди.

2

Президентимиз раислигида хотин-қизларни қўллаб-қувватлаш тизимини янги босқичга кўтариш ва аёлларнинг жамиятдаги ўрнини янада юксалтириш ва мустаҳкамлаш, шунингдек, уларнинг ижтимоий ҳаётига кучайтириш, оилавий зўравонликнинг олдини олиш, гендер тенгликни қарор топтиришга қаратилган муҳим чора-тадбирлар юзасидан ўтказилган видеоселекторда долзарб вазифалар белгилаб олинди.

Йиғилишда давлатимиз раҳбари: "Бугунги кунда муҳтарама опа-сингилларимиз жамиятимизда олиб борилаётган ўзгариш ва янгиланишлар жараёнида, бошқарув тизимида, тадбиркорлик, илм-фан, соғлиқни сақлаш, маданият ва санъат соҳаларида, маҳаллаларда қанчалик фидокорона меҳнат қилиб келаётганини ҳаммамиз яхши биламиз ва юксак қадрлаймиз", деди.

Баҳорнинг илк кунини баҳорий кайфият улашган қатор имтиёзлар юртимиз аёлларига катта ишонч ва масъулият юклайди. Юртбошимиз таъ-

кидлаганидек, дунё илм-фани ва маданияти ривожига улкан ҳисса қўшган аждодларимиз, жаҳонгир боболаримиз қаторида, мана шундай буюк инсонларни дунёга келтириб, меҳр билан тарбиялаган, уларни улғувор ишларга руҳлантириб, ҳар бир ишда камарбаста бўлган фозила аёлларимиз барчамизга ибрат мактаби саналади.

8 март – Халқаро хотин-қизлар байрами арафасида вилоятимиз ривожига муносиб ҳисса қўшиб келаётган опа-сингилларимиз билан сўхбатлашдик.

2

Маҳмуд ТОИР,
Ўзбекистон халқ шоири

*Кўёш қулиб чиқса, тонгинг нурафшон,
Ойланганда онанг бор, онгинг нурафшон.
Ҳеч вақт қаримайди аёлдаги шон,
Муҳаббат яралган аёл аҳдидан,
Бу олам бахти ҳам аёл бахтидан!*

*Сабо кўп, баҳорнинг сабоси бўлак,
Дуо кўп, онанинг дуоси бўлак.
Аёлга атодир бор яхши тилак,
Аёл бор – тушмайсан ором тахтидан,
Бу олам бахти ҳам аёл бахтидан!*

*Аёл уйғоқ дилда энг гўзал тушдир,
Ухламай туш кўрган ошшқ сархушдир,
Севамоқ савоб эрур, севилмоқ хушдир,
Дарё қалқиб чиқар қалблар қатидан,
Бу олам бахти ҳам аёл бахтидан!*

*Онаси умрини тилаган ўғил,
Меҳрини бошидан элаган ўғил,
Гул тутиб қўллари гуллаган ўғил,
Илоҳим, қайтмасин шундай шахдидан,
Бу олам бахти ҳам аёл бахтидан!*

*Она Ватандаги она висоли,
Садоқат тимсоли, вафо тимсоли,
Миллат камоли у, миллат жамоли,
Ҳеч ким доғ ахтармас кўёш сатҳидан,
Бу олам бахти ҳам аёл бахтидан!*

ФУҚАРО МУҲОФАЗАСИ: САЛОҲИЯТ, САМАРАДОРЛИК, АМАЛИЁТ



Фавқулдада вазиятлар вазирлиги ташкил топган кун муносабати билан Оҳангарон шаҳрида намунавий лойиҳа асосида, барча қулайликларга эга Фавқулдада вазиятлар бўлими ҳамда ёнгин-қутқарув қисми биноси фойдаланишга топширилди.



Очилиш маросимида вилоят ҳокими вазифасини бажарувчи Зойир Мирзаев иштирок этиб, соҳа ходимларини касб байрамлари билан табриклади.

Тадбирда вилоят Фавқулдада вазиятлар тизимида кўп йиллардан бери сидқидилдан хизмат қилаётган ҳарбий хизматчи ва ходимларга фахрий ёрлик ва эсдалик совғалари тоширилди.



Тошкент вилояти ҳокими вазифасини бажарувчи Зойир Мирзаев Қўйи Чирчиқ туманидаги "TCT cluster" МЧЖда амалга оширилаётган инвестиция лойиҳалари, шунингдек, кластер қошида ташкил этилган ўқув маркази ва Ўрта Осиёда ягона бўлган шолени қайта ишлаш заводи фаолияти билан танишди.

Бугунги кунда кластерда шолени етиштириш ва уни чуқур қайта ишлаш бўйича тўлиқ саноат занжири яратилган. Завод бир йилда 40 минг тонна маҳсулотни қайта ишлаш қувватига эга. Истиқболда режалаштирилган иккинчи босқич ҳам ишга туширилгач, корхона қуввати икки баробарга ортади.

ВИЛОЯТ БЎЙЛАБ

ВИЛОЯТ ҳокимининг топшириғига кўра, ташкилий кадрлар гуруҳи раҳбари Музаффар Арипов бошчилигидаги вакиллар жойларда бўлиб, шаҳар ва туман сектор раҳбарлари ҳамда ҳоким ўринбосарларнинг хизмат уйларида фойдаланишини атрофлича ўрганмоқда.

ОҲАНГАРОН тумани ФХДё бўлимида барча МФЙ раиси маслаҳатчилари иштирокида ажрим масалаларига бағишланган давра сўхбати бўлиб ўтди. Унда тумандаги маҳаллалардан келиб тушган ажрим масаласидаги аризалар таҳлил этилиб, низоли оилаларни яраштириш бўйича маслаҳатлашди. Шунингдек, ҳафтанинг ҳар чоршанбаси ФХДёда ажралиш масаласида мурожаат этган фуқаролар билан ишлаш куни этиб белгиланди.

БЎСТОНЛИҚ тумани ҳокими Ж. Аҳмедов ҳамда ЯНГИЙЎЛ тумани ҳокими У. Ялғашев ҳудудда экспорт ҳажмини ошириш мақсадида экспортёр корхоналар раҳбарлари билан учрашди. Унда экспортчи корхоналарни молиявий қўллаб-қувватлашни янада кучайтириш, миллий маҳсулотларнинг ташқи бозорлардаги рақобатбардошлигини мустаҳкамлаш ва валюта тушумларини кўпайтириш масалалари муҳокама этилди.

"Ватанпарвар" ташкилоти ПАРКЕНТ ўқув-спорт техника клуби томонидан "Яшил йиллик" умуммиллий лойиҳаси доирасида мевали ва манзарали дарахт кўчатларини экиш давом этмоқда. Мазкур ташкилотга қарашли "Автодром" ҳудудида ходимлар томонидан 227 туп мевали дарахт кўчатлари экилди.

БЕКОВОД туманидаги кўп қаватли уйларга хизмат кўрсатаётган бошқарув сервис компанияси ҳамда туман коммунал бўлими ходимлари биргаликда ҳудуддаги уйлар атрофида мевали ва манзарали дарахт кўчатлари экиб, яшил маконлар барпо этишмоқда.

Пенсия жамғармаси ТОШКЕНТ тумани бўлими раҳбари томонидан "Чигатой" маҳалласи фуқаролари билан сайёр учрашув ўтказилди. Унда пенсия таъминотидаги ўзгаришлар ва хотин-қизлар учун яратилаётган имкониятлар ҳақида тушунтиришлар берилди.

ВАКИЛЛАРИМИЗ ҒОЛИБЛАР ҚАТОРИДА

Ўзбекистон Республикаси Олий Мажлиси Сенатида "Энг яхши ижтимоий ташаббус" кўрик-танловининг республика босқичи ғолиблари тақдирланди.

Унда вилоятимиз вакиллари – "Энг яхши ижтимоий ташаббускор давлат бошқаруви органи" номинацияси бўйича Зангиота туманидаги 32-сонли давлат мактабгача таълим ташкилоти; "Энг яхши ижтимоий ташаббускор тадбиркорлик

субъекти" номинацияси бўйича Паркент туманидаги "INDIVID" нодавлат таълим муассасаси фахри учинчи ўринни эгаллаганлари маълум қилинди.

Вакилларимизни эришган муваффақиятлари билан сазимий табриклаймиз.



Эътироф



Хотин-қизлар учун улкан имкониятлар

Жумладан, эҳтиёжманд хотин-қизлар бандлигини таъминлаган тадбиркорларга кўплаб имтиёзлар берилган бўлди.

"Аёллар бандлигини таъминлаш, уларни тадбиркорликка жалб қилиш учун, кўшимча шарт-шароитлар яратамиз", деди Президентимиз. Қолаверса, 2022-2024 йиллар учун "Бизнес аёллар" дастури қабул қилиниши белгиланди. Унинг ижросига жами 8 триллион сўм йўналтирилади. Аёллар учун тадбиркорлик курс-

лари ташкил этилади, имтиёзли кредитлар берилди.

Бугунги кунда 400 дан ортиқ нодавлат ноижорат ташкилоти аёлларни касбга ўқитиш, уларни тадбиркорликка жалб қилиш, ижтимоий ёрдам кўрсатиш бўйича яхши тажриба яратди.

Шу боис, қишлоқ жойларида бундай лойиҳаларни амалга ошириш учун нодавлат ташкилотларга 2 миллиард сўмгача грантлар ажратилади. Ўзи ёки қарамоғида ногиронлиги бор яқини бўлган хотин-қиз-

ларга ижтимоий хизматлар кўрсатиш, уларни касбга ўқитиш борасида, нодавлат ноижорат ташкилотларига берилётган грантлар миқдори 5 бараварга оширилиб, 200 миллион сўмгача етказилади.

Шунингдек, йўғилишда оилаларни мустаҳкамлаш, фарзанд тарбиясида ота-онанинг масъулиятини ошириш ҳам бугунги кундаги долзарб масалалардан бири экани таъкидланди.

Президентимиз бу борада обрў-эътиборли, билимли хотин-қизлардан иборат

"Оқила аёллар" ҳаракатини ташкил қилиш тақлифини билдирди.

"Бу ҳаракат "маҳалланинг виждони"-га айланиши керак. Чунки маърифатли жамиятнинг маърифатли оналарисиз қуриб бўлмайди", дея таъкидлади давлатимиз раҳбари.

Умуман олганда, йўғилишда хотин-қизларни ҳар томонлама қўллаб-қувватлаш борасида ҳеч бир масала эътибордан четда қолмади. Бу устувор вазифалар ижросини таъминлаш биз, депутатлар зиммасига

ҳам алоҳида масъулият юклайди. Шунинг билан бир қаторда барчамиз ўз иш жойимизда жамиятимиз ривожига ҳисса қўшиш учун муносиб меҳнат қилишга, ёшларни қўллаб-қувватлашга доим тайёرمиз.

Шоҳишта МАДНИЯРОВА,
Халқ депутатлари Ангрэн шаҳар Кенгаши депутати,
Тошкент вилояти хотин-қизлар тадбиркорлик маркази раҳбари

МУҲАББАТ ЯРАЛГАН АЁЛ АҲДИДАН

МАҲАЛЛАНИНГ "АНЗИРАТ ХОЛА"лари

Зангиота туманидаги "Бўзсув" қишлоғининг "Чинор" маҳалласида опа-сингил тутинган икки аёл бор. Биринчи – маҳалла раиси Арофат Муҳаммадова, иккинчиси – унинг ўринбосари Малика Солижонова. Бу икки аёлни бамисоли кўзу қошга қиёслаш мумкин. Сабаби, улар 23 йилдан бери маҳалла аҳлининг қувончу ташвиши билан яшаيدилар.



Маҳалладаги 535 та хонадонда 2 минг 717 нафар аҳоли истиқомат қилади. Арофат ва Малика опалар ҳар бир оиланинг ҳолидан хабар олишдан чарчашмайди.

Маҳалла 2018 йили "Обод қишлоқ" дастурига киритилган иш янада кўпайди. Маҳалла бугунгидек кўркам ҳолга келгунча иккови ҳам куну тун тиним билмай, ишнинг бошида туришди, кези келганда ҳашар уюштиришди, ўзлари ҳам қўлига челақ, супурги олиб, ободонлаштириш ишларига бош-қош бўлишди. Натижада маҳалладаги 12 та кўчанинг барчаси асфальтланди, тунги чироқлар ўрнатилди, ичимлик суви ва электр таъминоти яхшиланди, 10 та намунали лойиҳадаги уйлар қурилди, маҳалла поликлиникаси қайтадан бунёд этилди.

Пандемия авжга чиққан, ҳамма уйда ўтирган вақтда маҳаллада дори-дармон масаласи катта муаммо бўлди. Сабаби, ҳудудда дори-дармон йўқ, дори учун туман маркази ёки шаҳарга бориш керак. Маҳалла раисининг сазой-ҳаракати билан бу масала ҳам 2021 йилда ҳал этилди. Маҳаллада дори-дармон фаолият юрита бошладилар.

Икки онахон ва маҳалла фаоли Муяссар Ғозихўжаева бошчилигида 2020 йилда мўъжаз кутубхона ҳам барпо этилди. Уша вақтларда маҳаллага келган молия вазирлиги томонидан кутубхонага 5 минг донна китоб совға қилинди. Ҳозирда китобхоналар сони кескин ошган. Бундан ташқари, кутубхона қошида болалар учун кўғирчоқ театри, 4-сектор раҳбари Шерали Нафасовнинг кўмаги билан ворк аут майдончаси барпо этилди.

Ўтган йили Арофат Муҳаммадова "Маҳалла фахри" кўкрак нишони билан тақдирланди. Бу унинг фаолиятига берилган муносиб баҳо бўлди. 70 ёшни қаршилаётган Арофат опа ҳали ҳам тегик ва бардам. Бунинг сабаби битта: одамларнинг розилиги ва дуоси.

БЕКАЛИКДАН ТАДБИРКОРЛИККА

Ўзбек оилаларида азалдан оила бошлиғи – эркак таъминотчи саналган. Аммо эркакнинг ёнидаги аёл оқила, тадбиркор бўлса-чи? Унда бу оилада чинакам фаровонлик ҳукмрон дегани. Бежиз халқимиз орасида "Ота билимли бўлса, фарзанд билимли бўлади, она билимли бўлса, миллат билимли бўлади", деган нақл юрмайди.



Давлатимиз раҳбарининг аёллар тадбиркорлиги ва ишбилармонлигини қўллаб-қувватлашга қаратилган қатор қарор ва фармонларидан илҳомланиб, "Аёллар дафтари" доирасида берилётган имкониятлардан унумли фойдаланиб, ўз тадбиркорлигини йўлга қўйиб олган хотин-қизлар вилоятимизда кўплаб топилади.

Ана шундайлардан бири Оққўрғон туманининг "Қахрамон" маҳалласида истиқомат қилаётган 36 ёшли Шаҳноза Иномовадир. У маҳалла ҳудудида тикувчилик чеҳи очиб, ўзи қатори яна 3 аёлнинг бандлигини таъминлашга эришди.

Маҳалла раисининг ёрдами билан бўш турган ерга 4 хона қурилиб, эркаклар ва аёллар сартарошонаси, яна битта хонага учта тикув машинаси ўрнатилиб, ателье ташкил этилди. Ҳозирда буюртмаларнинг кети узилмаяпти. Шаҳноза ва шогирдларининг қўли-қўлига тегмайди.


– Уч нафар фарзандим бор, энг кичиги энди мактабга чиқди, – дейди Шаҳноза. – Шу вақтгача уйда фарзандларим тарбияси билан банд эдим. Улар катта бўлгач, харажатлар ҳам кўпаяверди. Шу сабабдан, рўзгорга,

оиламга кўмаклашиш мақсадида тадбиркорлик фаолиятини бошладим. Биласизми, бизнинг туман аҳолисининг асосий қисми деҳқончилик ва чорвачилик билан кун кўради. Аёлларнинг аксарияти уй бекаси, баъзилари мавсумий дала ишларида ишлайди. Маҳалламизда ателье йўқлиги менга туртки берди. Ўтган йили кредит сўраб мурожаат қилдим. Кредит олиб ательени янада кенгайтириш, кўшимча 4 та иш ўрни яратиш ниятим бор.

Шаҳноза Иномованинг орзу ва ниятларини эшитар эканмиз, аёлнинг ишбилармон бўлиши нафақат оиласи, балки жамиятнинг ривожига учун қанчалик муҳим эканига яна бир бор амин бўлдик.

ЕЛКАСИДА ЮЛДУЗИ БОР ФИРУЗА

Мамлакатимиз иқтисодий ҳавфсизлигини таъминлашга хизмат қилувчи божхона органларида ҳам хотин-қизлар кўплаб топилади. Биргина Тошкент вилояти божхона бошқармасида хизмат қилаётган умумий ходимлар сони 700 га яқин бўлса, шулардан 106 нафарини аёллар ташкил этади.



Улар бошқарма аппарати, чегара ва ТИФ божхона постларида турли лавозимларда самарали хизмат қилиб, халқимиз тинчлиги, фаровонлигини асрашда, иқтисодий сарҳадлар ҳавфсизлигини таъминлашга салмоқли ҳисса қўшмоқдалар. Шунингдек, улар орасида юртимиз иқтисодий манфаатларини ҳимоя қилиш, ноқонуний товар-моддий бойликлар, дори воситалари ҳамда халқимиз соғлиғига зарар келтирувчи бошқа воситалар кириб келишининг олдини олиш борасида ижобий натижаларга эришганлари ҳам кўп.

"Ғиштқўприк" чегара божхона постида хизмат олиб бораётган катта инспектор, божхона хизмати майори Фирюза Абдуғаниева ҳам касбдошлари орасида ҳурмат қозонган ходимлардан.

– Зиёли оилада дунёга келганман, – дейди Фирюза Абдуғаниева. – Елкамга погон тақиб, божхона формасини кийганимга ҳам 17 йил бўлибди. Ушбу соҳани танлашимга яқинларим қаршилиқ билдиришмаган, аксинча, қўллаб-қувватлашган. Бугун улар божхона органида ишлаётганимдан, озми-кўлими ютуқларга эришаётганимдан фахрланишадилар. Очиги, ота-онамининг мадади, дуоси бўлмаганида, ҳуқуқни муҳофаза қилувчи идораларда, эркаклар билан елкама-елка туриб, ишлаб кетолмасдим. Қолаверса, инсон аввало, ўз касбини севиши, ишига сийқидилдан ёндашиши лозим.

Божхоначи аёл деганда фақатгина иш столида турли ҳужжат ва ҳисоб-китоблар билан шуғулланувчи аёлларни тушуниш нотўғри. Улар бугунги кунда навбатчилик қисмида ҳам, чегара-божхона постларида ҳам фаолият юритишмоқда. Фирюза ҳам божхона назоратини амалга оширади, яъни товарларни расмийлаштирилади, божхона кўригини ўтказилади. Бунда махсус курилмалар "боди сканер" ва "инспекцион кўрик мажмуаси"дан фойдаланади.

Божхона кўригини амалга оширишда ахборот-коммуникация технологияларининг фаолиятга кенг жорий этилиши юқори билим ва малакани талаб қилишини инобатга олсак, уларга қўйил қолмасдан илҳомий йўқ.

Шу касбини танлаганидан биро мартга ҳам афсус чекмаган қахрамониимиз уйда саришта оила бекаси, суюкли ёр ва меҳрибон она.

Фирюза Абдуғаниева уй юмушлари ва ишидан ортиб кроссфит спорт йўналишини бўйича мунтазам шуғулланиб келади. Шунинг учун божхона тизимида ҳар йили ўтказиладиган аёллар ўртасидаги спорт мусобақаларида "Кучли машқлар комплекси" бўйича биринчилиكنи ҳеч кимга бермайдилар.

Фирюза Абдуғаниеванинг хизмат фаолияти давомида эришган ютуқлари инобатга олиниб, "Давлат божхона хизматида 30 йил" эсдалик нишони билан мукофотланди. Бу мукофот унга келгуси фаолиятида янада яхши кўрсаткичларга эришишига туртки бўлса, ажабмас.

ҲОРМАНГ, БИСЕНГУЛ ОПА

Тобора янгилашиб бораётган Ўзбекистонимизда бошқа соҳалар қатори фермерлик ҳаракати ҳам аёлларимизнинг ўз ўрни ва роли бор. Улар фидокорона меҳнатлари билан халқимиз дастурхонини тукин бўлишига муносиб ҳисса қўшмоқдалар.



Чиноз туманилик Бисенгул Джолтаева ана шундай фермерлардан. Оддий ишчи оиласида туғилиб, вояга етган Бисенгул болалигидан ерга меҳр қўйиб улғайди. Мактабни битиргач, Тошкент давлат аграр университетида агрономликка ўқиди, жамоа хўжалигида бир неча йил раис бўлиб ишлади.

Юртимизда фермерларга яратилаётган имкониятлар қишлоқ хўжалигига чин дилдан иҳлос қўйган Бисенгул опани ҳам янгилашга даъват этди. У 2001 йилда "Умид" фермер хўжалигига асос солди. Қишлоқ хўжалиги соҳасидаги билимлари ва тажрибалари қўли келиб, хўжалиги тезда оёққа турди.

оширдик, илғор тажрибаларни татбиқ этдик. Йиллар ўтган сайин тажрибамиз ошиб, хўжалигимиз мустаҳкамлана борди.

Ўтган йили фермер 33 гектар ерга бугдойнинг "Кроснадар" навини экиб, юқори ҳосилдорликка эришди. Режа ортиғи билан бажарилди, ортган 37 тонна бугдой ишчиларга бўлиб берилди. Шунингдек, фермер пахта бўйича ҳам режасини биринчилардан бўлиб бажарди.

Ҳозир далада ўтган йил кел кузда сепилган бугдой кўзни қувнатиб кўкка бўй чўзмоқда. Бу йил 15 гектар ерга пахтанинг "Бухоро-8" навини экиш режалаштирилган.

Бисенгул опани қачон қидирсангиз, даласидан топасиз. Чунки фермер учун йилнинг ҳар бир куни ганимат. Айниқса, баҳорнинг ҳар дақиқаси келгуси хирмоннинг баракасини белгилаб беради, дейди у.

ОЛМАЛИҚНИНГ БИРИНЧИ "ДОЦЕНТ"И

Марҳамат Муталова Ислоҳ Каримов номидаги ТДТУ Олмалик филиали "Кончилик иши ва металлургия" факультетининг "Кончилик иши" кафедрасида фаолият юритади. Бугунги кунда ўзининг билими ва бой тажрибаси билан кончилик соҳаси ривожига муносиб ҳисса қўшиб келмоқда. Шунингдек, замонавий таълим технологияларидан кенг фойдаланган ҳолда ёш авлодни баркамол воғга етказиш борасида самарали меҳнат қилмоқда. Уни Олмаликнинг биринчи техника фанлари номзоди, доцент унвонига эга бўлган оlima аёли сифатида яхши танишадилар.



– Илмни меҳрибонга қиёслашмайман, – дейди М. Муталова. – Унга қанча яқинлашсангиз ўзига тортаверадилар. Меҳнат фаолиятимни Олмалик кон-металлургия комбинати Қалмоққир қони лаборанти сифатида бошлаганман. Қарийб, қирқ йилдан зиёд вақт мобайнида кончилик соҳаси бўйича талабаларга сабоқ бераман.

Дарҳақиқат, Марҳамат опа раҳбарлигида қатор илмий изланишлар олиб борилди. У 90 дан ортиқ услубий ва ўқув қўлланмалар, мақолалар муаллифи. Илмий мақолалари Москвадаги "Цветные металлы", "Ўзбекистон кончилик хабарномаси" ва бошқа журналларда чоп этилган.

Унинг илмий-тадқиқот ишлари комбинатнинг кўрғошин бойитиш фабрикасида ишлаб чиқаришга жорий қилиниб, катта самарадорликка эришилди. Талабалар

учун "Фойдали қазилмаларни қайта ишлаш ва бойитиш технологияси" фанидан яратган қўлланмаси ўқув дастурида кенг татбиқ этилмоқда.

– Президентимиз раислигида ўтказилган видеоселектор йўғилишида таълим тизимида хотин-қизлар учун яратилган имкониятлар бизни беҳад қувонтирди, – деб сўзини давом эттирди М. Муталова. – "Таълим тизимининг барча погоналарида ўқушга интилан хотин-қизларни қўллаб-қувватлашимиз ва уларга шариқат яратамиз", деган сўзлари хотин-қизлар учун катта имкониятдир. Бу имкониятлардан ёшларимиз унумли фойдаланишига биз камарбаста бўлишга тайёرمىз.

"КАСБИМ – ҲАЁТИМ МАЗМУНИГА АЙЛАНГАН"

– Бўлимимизга келган ҳар бир она-бола соғлиғи учун масъулмиз, – дейди суҳбат аввалида Бўка тумани Тиббиёт бирлашмаси болалар бўлими мудири Мавлуда Абдуллаева. – Ўтган эллик йилни санокда айтиш осон. Бир инсон умрига тенг. Бу фурсат ораллигида 10 минглаб болалар дардига чора изладим, десам муболага бўлмайди. Эндликда билганларимни шогирдларимга ўргатилган.

Мавлуда Абдуллаева 1972 йил ҳозирги Тошкент педиатрия тиббиёт институтини тамомлагач, Олмалик

шаҳар болалар шифохонасига интернатурани ўташ учун юборилди. Синовлардан муваффақиятли ўтган Мавлуда опа фаолиятини Бўка туманида давом эттирди. Аввал туман поликлиникасида, кейин туғуруқхонада неонатолог, сўнгги 22 йилдан бери эса болалар бўлими мудири лавозимида ишлаб келмоқда.

Бўлим 4 йил аввал тулик таъмирланиб, замонавий тиббий асбоб-ускуналар билан бойитилди. Бемор болаларнинг 85-90 фоизи бепул дори-дармон билан даволанмоқда.

Мавлуда опа йиллар давомида бўлимда ўз мактабини яратди. Жамоадаги аҳиллик, бамаънафит иш тутиш қадриятга айланган. Опанинг таъкидлашича, илк бор кўриқдан ўтказган чақалоқлари бугун набираларини кўриқка олиб келишадиган экан. Дастлабки шогирдлари пенсия ёшига етишган. Кенжа шогирдларидан бири Айжан Абдуразақова болалар жонлантириш бўлимини бошқармоқда.


Оилада фарзандлари, набира ва эваралари ардоғида яшаётган Мавлуда опа ҳаётдан



мамнун. У том маънода "Соғлиқни сақлаш аълочилиги", "Мўътабар аёл" кўкрак нишони совриндори.

РУХСАТ ЭТУВЧИ ХУЖЖАТЛАР

уларнинг айримлари энди электрон тизим орқали берилади



Хабарингиз борми?

Ўзбекистон Республикаси Вазирлар Маҳкамасининг жорий йил 22 февралда "Махсус электрон тизим орқали рухсат этиш хусусиятига эга айрим хужжатларни бериш тартиб-таомиллари тўғрисидаги ягона низомни тасдиқлаш ҳақида"ги 86-сонли қарори қабул қилинди.

Хужжат билан махсус электрон тизим орқали рухсат этиш хусусиятига эга айрим хужжатларни бериш тартиб-таомиллари тўғрисидаги ягона низом, рухсат этиш хусусиятига эга хужжатни бериш тартиб-таомиллари тўғрисидаги қарорларни республикада қабул қиладиган ваколатли органларнинг шикоятлари кўриб чиқиш бўйича апелляция кенгашининг намунавий таркиби тасдиқланди.

Рухсат бериш тартиб-таомиллари соҳасидаги ваколатли органлар икки ой муддатда амалдаги рухсат этиш хусусиятига эга хужжатлар эгалари фаолиятларини мазкур қарор билан белгиланган рухсат бериш талаб ва шартларига мувофиқлаштирилишини таъминлайди.

Рухсат бериш тартиб-таомиллари "Лицензия" ахборот тизими ва Ягона интерактив давлат хизматлари портали орқали амалга оширилишига ўтиши муносаба-

ти билан аҳоли ва тадбиркорлик субъектлари учун манзилли ва предметли тарғибот тадбирлари амалга оширилади.

Қарор билан тасдиқланган низомга мувофиқ, рухсат этиш хусусиятига эга хужжатни олиш талаб қилинадиган фаолиятни (ҳаракатларни) рухсат этиш хусусиятига эга хужжатсиз амалга ошириш (бажариш) тақиқланади.

Талабгор рухсат этиш хусусиятига эга хужжатни олиш учун ариза ва унга илова қилинадиган хужжатларни «Лицензия» АТ ёки ЯИДХП орқали электрон шаклда юбориши мумкин. Бунда аризалар «Лицензия» АТ ёки ЯИДХП орқали қабул қилинган вақтдан бошлаб ваколатли орган томонидан қабул қилинган ҳисобланади.

Талабгор рухсат этиш хусусиятига эга хужжатни олиш учун тақдим

қилган аризасининг кўриб чиқиши ҳолатини «Лицензия» АТ орқали онлайн кузатиб бериши мумкин.

Талабгордан низомда кўзда тутилмаган маълумотлар ва хужжатларни талаб қилиш тақиқланади. Нотўғри ёки ёлгон маълумотлар киритилганда «Лицензия» АТ орқали аниқланганда, назарда тутилган йигим тўланмаганда, рухсат беришга оид талаб ва шартларга риоя этилиши тасдиқланмаганда, рухсат этиш хусусиятига эга хужжатлар реестрида талабгорнинг аниқ бир хил фаолият бўйича киритилган ва амалда бўлган рухсат этиш хусусиятига эга хужжати мавжуд бўлган тақдирда, талабгорнинг аниқ бир хил фаолиятни амалга ошириши ёки ҳаракатни бажариши мўайян муддатга тўхтатилганда, талабгор томонидан рухсат этиш хусусиятига эга хужжат бўйича танлаган фаолиятни амалга ошириш ва ёки ҳаракатни бажариш суднинг қарорига асосан мўайян муддатда тақиқланганда

аризалар тизим орқали автоматик равишда қабул қилинмайди.

Мана шу талаблардан ташқари бошқа асослар билан аризани қабул қилмасликка йўл қўйилмайди.

Қарор 2022 йил 1 мартдан қўлга кирди. Шу билан бира, фаолиятини рухсат этиш хусусиятига эга бўлган хужжат асосида амалга ошираётган юридик ёки жисмоний шахслар учун мазкур қарор билан белгиланган рухсат бериш талаб ва шартлари 2022 йил 1 июндан амал қилади.

Мазкур хужжат рухсат бериш соҳасидаги қонунчилик хужжатларини тизимлаштириш орқали норматив-ҳуқуқий хужжатлар соҳасидаги қонунчилик хужжатларини тизимлаштириш орқали рухсат бериш тартиб-таомилларидан ўтишини ягона тартибини белгилашни назарда тутиши билан аҳамиятлидир.

«Унефгтазинспекция»
Тошкент ҳудудий
бошқармаси

Эълонлар

Тошкент вилояти Чиноз тумани «ЧИНОЗ ДЕҲҚОН БОЗОРИ» масъулияти чекланган жамиятининг 2022 йил 30 март куни соат 10:00 да жамият таъсисчиларининг 2021 йил якуни бўйича ўтказиладиган навбатдаги умумий йиғилиши КУН ТАРТИБИ:

1. Жамиятнинг ижро этувчи органининг (жамият раҳбари ва бош ҳисобчисининг) 2021 йиллик молиявий-ҳўжалик фаолияти якунлари бўйича ҳисоботини тасдиқлаш;
2. Жамиятнинг йиллик ҳисоботларини ва йиллик бухгалтерия балансларини тасдиқлаш;
3. Аудиторлик текшируви муҳокамаси ва хулосасини тасдиқлаш;
4. Жамиятнинг тафтиш комиссиясини (тафтишчисини) сайлаш ва унинг ваколатларини мuddатидан илгари тугатиш;
5. Жамиятнинг соф фойдасини жамият иштирокчилари ўртасида тақсимлаш;
6. Жамият ижро этувчи органининг 2022

йил учун ишлаб чиқилган истиқболли ривожланиш режасининг муҳокамаси ва уни тасдиқлаш;

7. Штат жадвалини кўриб чиқиш;
8. Жамиятнинг ижро этувчи органи (жамият раҳбари) билан тузилган жамоа (меҳнат) шартномаси мuddатини узайтириш (сайлаш) ёки мuddатидан аввал бекор қилиш;
9. Бошқа масалалар.

Кун тартибига жамият иштирокчилари умумий йиғилишининг мутлақ ваколатларига кирадиган масалалар доирасида ўзгаришлар ва қўшимчалар киритилиши мумкин.

«ЧИНОЗ ДЕҲҚОН БОЗОРИ» МЧЖ
маъмурияти

Тошкент вилояти Чиноз тумани «ЧИНОЗ САВДО КОМПЛЕКСИ» масъулияти чекланган жамиятининг 2022 йил 30 март куни соат 14:00 да жамият таъсисчиларини 2021 йил якуни бўйича ўтказиладиган навбатдаги умумий йиғилиши КУН ТАРТИБИ:

1. Жамиятнинг ижро этувчи органининг (жамият раҳбари ва бош ҳисобчисининг) 2021 йиллик молиявий-ҳўжалик фаолияти якунлари бўйича ҳисоботини тасдиқлаш;
2. Жамиятнинг йиллик ҳисоботларини ва йиллик бухгалтерия балансларини тасдиқлаш;
3. Аудиторлик текшируви муҳокамаси ва хулосасини тасдиқлаш;
4. Жамиятнинг тафтиш комиссиясини (тафтишчисини) сайлаш ва унинг ваколатларини мuddатидан илгари тугатиш;
5. Жамиятнинг соф фойдасини жамият иштирокчилари ўртасида тақсимлаш;
6. Жамият ижро этувчи органининг 2022

йил учун ишлаб чиқилган истиқболли ривожланиш режасининг муҳокамаси ва уни тасдиқлаш.

7. Жамиятнинг ижро этувчи органи (жамият раҳбари) билан тузилган жамоа (меҳнат) шартномаси мuddатини узайтириш (сайлаш) ёки мuddатидан аввал бекор қилиш;
8. Бошқа масалалар.

Кун тартибига жамият иштирокчилари умумий йиғилишининг мутлақ ваколатларига кирадиган масалалар доирасида ўзгаришлар ва қўшимчалар киритилиши мумкин.

«ЧИНОЗ САВДО КОМПЛЕКСИ» МЧЖ
маъмурияти

Тошкент вилояти ҳудудидаги шаҳар, шаҳар атрофи ва вилоят ичидаги шаҳарлараро йўналишларни бириктириш бўйича электрон тарзда 2022 йил 5 апрель соат 14:00 да ОЧИҚ ТЕНДЕР ЎТКАЗИЛАДИ



№	Йўналиш рақами	Йўналиш номи	Йўналиш тури
Шаҳар атрофи йўналишлари			
1.	ВХ-315	"Ангрен Деҳқон бозори – 33 км."	Автобус
2.	ВХ-428	"Пискент АШБ – Қўйлиқ деҳқон бозори (Нурафшон орқали)"	Автобус
Вилоят ичи шаҳарлараро йўналишлари			
3.	ВХ-204	"Дўстобод АШБ – Қўйлиқ деҳқон бозори (Хамза МФЙ орқали)"	Автобус
4.	ВХ-251	"Бекобод АШБ – Қўйлиқ деҳқон бозори"	Автобус
5.	ВХ-510	"Қўйлиқ кийим бозори – "Чорбоғ" ЧСШ"	Автобус

Ўзбекистон Республикаси Вазирлар Маҳкамасининг 2021 йил 6 декабрдаги "Автомобиль транспортда йўловчи ташиш йўналишлари бўйича

очик тендерларни электрон тарзда ташкил этиш чора-тадбирлари тўғрисида"ги 738-сонли қарори талабларига мувофиқ шаҳар, шаҳар атрофи,

шаҳарлараро ва халқаро йўловчилар ташиш йўналишларини бириктириш юзасидан очик тендерлар фақат электрон ахборот тизими орқали ўтказилади. Тендерда белгиланган тартибда Ўзбекистон Республикаси ҳудудида рўйхатдан ўтган, тегишли равишда автомобиль транспортда шаҳар, шаҳар атрофи, шаҳарлараро ва халқаро йўловчилар ташувларини амалга ошириш ҳуқуқини берувчи лицензияга эга бўлган ҳамда электрон ахборот тизимида рўйхатдан ўтган юридик шахсларнинг қатнашишига йўл қўйилади.

Ўзбекистон Республикаси Вазирлар Маҳкамасининг 2021 йил 6 декабрдаги 738-сонли қарори билан тасдиқланган "Шаҳар, шаҳар атро-

фи, шаҳарлараро (Қорақалпоғистон Республикаси ва вилоятлар ичида ҳамда Қорақалпоғистон Республикаси, Тошкент шаҳри ва вилоятлараро) ва халқаро йўналишларни бириктириш бўйича очик тендерларни электрон тарзда ташкил этиш ва ўтказиш тартиби тўғрисида НИЗОМ"га мувофиқ;

– Тендерда қатнашиш учун таклифлар талабгорлар томонидан ахборот тизими (e-tender.uztrans.uz) орқали тақдим этилади;

– Айна битта автотранспорт воситаси бир вақтнинг ўзида бир неча тугалланмаган лотларга ҳамда амалдаги шартномага мувофиқ йўналишга бириктирилган автотранспорт воситаларининг тендер таклифи сифати-

да ахборот тизимига киритилишига йўл қўйилмайди (шартноманинг амал қилиш мuddати тугашига олтиш ва ундан кам кун қолганида мазкур шартномада кўрсатилган автотранспортларнинг ахборот тизимига киритилишига йўл қўйилади).

Талабгор тендер таклифларини тақдим этиши учун тендерни ташкил этиш, шу жумладан, оммавий ахборот воситаларида эълон бериш харажатларини қоплаш учун базавий ҳисоблаш миқдорининг 30 фоизи миқдоридан тўловни Ўзбекистон Республикаси Транспорт вазирлиги ҳисоб рақами (АТБ "Ипотека банк" Чилонзор бўлими, х/р: 4014108604262773422967279, банк коди 00997, СТИР: 202811527) ўтказиб, 2022 йил 4 апрель соат 14:00

гача ўз тендер таклифларини ахборот тизими (e-tender.uztrans.uz) орқали тақдим этиши шарт.

Тендер таклифлари белгиланган мuddат якунланганидан кейин қабул қилинмайди ҳамда тендер таклифлари тақдим этилганидан кейин қатнашчилар уларга тузатиш киритиш ҳуқуқига эга эмас.

Қатнашчилардан тендер бўйича келиб тушган таклифлар ахборот тизими орқали автоматик тарзда баҳоланади.

Тендерни ташкиллаштириш бўйича ваколатли орган: Ўзбекистон Республикаси Транспорт вазирлиги Тошкент вилояти транспорт бошқармаси.

Маълумот учун телефон: (+99871) 202-05-00 (213).

Тошкент вилояти ҳудудидаги шаҳар, шаҳар атрофи ва вилоятлар ичидаги шаҳарлараро йўналишларни бириктириш бўйича электрон тарзда 2022 йил 15 апрель соат 14:00 да ОЧИҚ ТЕНДЕР ЎТКАЗИЛАДИ

№	Йўналиш рақами	Йўналиш номи	Йўналиш тури	21.	22.	23.	24.	25.	26.	27.	28.	29.	30.	31.	32.	33.	34.	35.	36.	37.	38.	39.	40.	41.	42.
Шаҳар ичи йўналишлари																									
1.	ШИ-9	"Хаккарман маҳалласи – Болалар шифохонаси"	автобус																						
2.	ШИ-1 й.т.	"Ўртабўз кўчаси – Шаҳар шифохонаси"	йўналишли такси																						
3.	ШИ-3 й.т.	"4-кичик ноҳия – Марказий бозор - Кўрғон маҳ. – 4-кичик ноҳия"	йўналишли такси																						
4.	ШИ-4 й.т.	"ДЕПО – Ёрдам қишлоғи"	йўналишли такси																						
5.	ШИ-8 й.т.	"ЭХП-8 кичик ноҳия (шаҳар парк)"	йўналишли такси																						
6.	ШИ-22 й.т.	"Ангрен деҳқон бозори – Самарчуғ МФЙ 26-мактаб"	йўналишли такси																						
7.	ШИ-24 й.т.	"Депозит бекати – Чамбил маҳалласи"	йўналишли такси																						
8.	ШИ-26 й.т.	"2-Азотчи – Ҳарбийлар шаҳарчаси"	йўналишли такси																						
Вилоят ичи шаҳар атрофи йўналишлари																									
9.	ВХ-350	"Оққўрғон АШБ – Тошкент (Жанубий вокзал АШБ)"	автобус	21.	ВХ-430 й.т.	"Ким Пен Хава ф/у – Қўйлиқ АШБ"	йўналишли такси																		
10.	ВХ-359	"Кўрғонча маҳалласи – Тошкент жанубий вокзал АШБ"	автобус	22.	ВХ-435 й.т.	"Ўзбекистон ф/у – Оқтепа қ.ф.й. (Ғайрат МФЙ орқали)"	йўналишли такси																		
11.	ВХ-464	"Навоий ф/у 2 бўлим – Чорсу савдо маркази"	автобус	23.	ВХ-438 й.т.	"Қўйлиқ деҳқон бозори – Балиқчи маҳалласи"	йўналишли такси																		
12.	ВХ-573	"Меҳнат қишлоғи – Тарақийёт – Х.Абдуллаев м.б."	автобус	24.	ВХ-442 й.т.	"Нурафшон АШБ – Туябўғиз кўрғони"	йўналишли такси																		
13.	ВХ-607	"Урмон хўжалиги – Туман марказий шифохонаси"	автобус	25.	ВХ-450 й.т.	"ГЭС – Гулчилик маҳалласи – Жанубий вокзал АШБ"	йўналишли такси																		
14.	ВХ-222 й.т.	"Янгийўл АШБ – Янги ҳаёт ф/у (Кўрғонтепа орқали)"	йўналишли такси	26.	ВХ-461 й.т.	"Туркистон ф/у – Назарбек маҳалласи"	йўналишли такси																		
15.	ВХ-242 й.т.	"Хўжақўрғон МФЙ – ТошПМИ бекати"	йўналишли такси	27.	ВХ-518 й.т.	"Мой қишлоғи – ТошДАУ"	йўналишли такси																		
16.	ВХ-250 й.т.	"Бука АШБ – Туркистон ф.у. (Дўстлик маҳалласи орқали)"	йўналишли такси	28.	ВХ-541 й.т.	"Оққўрғон деҳқон бозори – Мамут МФЙ (Бука орқали)"	йўналишли такси																		
17.	ВХ-299 й.т.	"Дўстобод АШБ – Тошкент (Жанубий вокзал АШБ)"	йўналишли такси	29.	ВХ-561 й.т.	"Консерва заводи – Мингўрик АШБ"	йўналишли такси																		
18.	ВХ-374 й.т.	"Паркент АШБ – Сўқоқ қишлоғи"	йўналишли такси	30.	ВХ-582 й.т.	"Чиноз деҳқон бозори – С.Раҳимов ф.х."	йўналишли такси																		
19.	ВХ-378 й.т.	"Паркент АШБ – Чанги қишлоғи"	йўналишли такси	31.	ВХ-583 й.т.	"Чиноз шаҳри – Йўлтушган маҳалласи – Чиноз пахта заводи"	йўналишли такси																		
20.	ВХ-426 й.т.	"Уртасарой ф/у – Қўйлиқ деҳқон бозори (Машъал орқали)"	йўналишли такси	32.	ВХ-584 й.т.	"Чиноз – Олмазор кўрғони"	йўналишли такси																		
Вилоят ичи шаҳарлараро йўналишлари																									
43.	ВХ-252	"Ангрен деҳқон бозори – Бекобод АШБ"	автобус	33.	ВХ-586 й.т.	"Чиноз деҳқон бозори – Яллама қишлоғи"	йўналишли такси																		
Вилоят ичи шаҳарлараро йўналишлари																									
Вилоят ичи шаҳарлараро йўналишлари																									

Ўзбекистон Республикаси Вазирлар Маҳкамасининг 2021 йил 6 декабрдаги "Автомобиль транспортда йўловчи ташиш йўналишлари бўйича очик тендерларни электрон тарзда ташкил этиш чора-тадбирлари тўғрисида"ги 738-сонли қарори талабларига мувофиқ шаҳар, шаҳар атрофи, шаҳарлараро ва халқаро йўловчилар ташиш йўналишларини бириктириш юзасидан очик тендерлар фақат электрон ахборот тизими орқали ўтказилади. Тендерда белгиланган тартибда Ўзбекистон Республикаси ҳудудида рўйхатдан ўтган, тегишли равишда автомобиль транспортда шаҳар, шаҳар атро-

фи, шаҳарлараро ва халқаро йўловчилар ташувларини амалга ошириш ҳуқуқини берувчи лицензияга эга бўлган ҳамда электрон ахборот тизимида рўйхатдан ўтган юридик шахсларнинг қатнашишига йўл қўйилади.

Ўзбекистон Республикаси Вазирлар Маҳкамасининг 2021 йил 6 декабрдаги 738-сонли қарори билан тасдиқланган "Шаҳар, шаҳар атрофи, шаҳарлараро (Қорақалпоғистон Республикаси ва вилоятлар ичида ҳамда Қорақалпоғистон Республикаси, Тошкент шаҳри ва вилоятлараро) ва халқаро йўналишларни бириктириш бўйича очик тендерларни электрон

тарзда ташкил этиш ва ўтказиш тартиби тўғрисида НИЗОМ"га мувофиқ;

– Тендерда қатнашиш учун таклифлар талабгорлар томонидан ахборот тизими (e-tender.uztrans.uz) орқали тақдим этилади;

– Айна битта автотранспорт воситаси бир вақтнинг ўзида бир неча тугалланмаган лотларга ҳамда амалдаги шартномага мувофиқ йўналишга бириктирилган автотранспорт воситаларининг тендер таклифи сифатида ахборот тизимига киритилишига йўл қўйилмайди (шартноманинг амал қилиш мuddати тугашига олтиш ва ундан кам кун қолганида мазкур шартномада кўр-

сатилган автотранспортларнинг ахборот тизимига киритилишига йўл қўйилади).

Талабгор тендер таклифларини тақдим этиши учун тендерни ташкил этиш, шу жумладан, оммавий ахборот воситаларида эълон бериш харажатларини қоплаш учун базавий ҳисоблаш миқдорининг 30 фоизи миқдоридан тўловни Ўзбекистон Республикаси Транспорт вазирлиги ҳисоб рақами (АТБ "Ипотека банк" Чилонзор бўлими, х/р: 4014108604262773422967279, банк коди 00997, СТИР: 202811527) ўтказиб, 2022 йил 14 апрель соат 14:00 гача ўз тендер таклифларини ахборот тизими (e-tender.uztrans.uz) орқали тақдим этиш шарт.

Тендер таклифлари белгиланган мuddат якунланганидан кейин қабул қилинмайди ҳамда тендер таклифлари тақдим этилганидан кейин қатнашчилар уларга тузатиш киритиш ҳуқуқига эга эмас.

Қатнашчилардан тендер бўйича келиб тушган таклифлар ахборот тизими орқали автоматик тарзда баҳоланади.

Тендерни ташкиллаштириш бўйича ваколатли орган: Ўзбекистон Республикаси Транспорт вазирлиги Тошкент вилояти транспорт бошқармаси.

Маълумот учун телефон: (+99871) 202-05-00 (213).

**СПОРТ
янгиликлари**

**Гимнастика
афсонаси финалда**

Қатар пойтахти Доха шаҳрида спорт гимнастикаси бўйича Жаҳон кубогининг навбатдаги босқичи старт олди. Мусобақада дунёнинг 30 та давлатидан энг кучли гимнастикачилар ғолиблик учун баҳс юритишмоқда.

Нуфузли турнирда ўзбек спортчи афсонаси, Олимпиада ўйинларида 8 мартаба қатнашган тарихда ягона гимнастикачи Оксана Чусовитина етакчилигидаги бир гуруҳ спортчилар мамлакатимиз номидан иштирок этишмоқда.

Мусобақанинг таяниб сакраш машқлари саралаш баҳсларида 46 ёшли Оксана Чусовитина энг яхши унвончи натижани қайд этиб, финалга йўлангани қўлга киритди.

**Нигинанинг
ғалабали одими**

Шу кунларда Қозоғистон пойтахти Нур-Султон шаҳрида теннис бўйича ITF таснифига кирувчи турнир бўлиб ўтмоқда. Унда мамлакатимиз вакили Нигина Абдураимова ҳам қатнашмоқда.

Нигина турнирнинг 1/8 финал босқичида россиялик Екатерина Рейнгольга қарши баҳс олиб борди. Мурсасиз ўтган баҳсда ҳамюртимиз 2 сет натижасига кўра, 7/5, 7/5 ҳисобида ғалаба қозонди ва турнирнинг чорак финалига йўл олди.

Нигина 1/4 финалда яна бир россиялик теннисчи Валерия Савинихга қарши кортга чиқди.

**Дзюдочилар
Прагага жўна
кейтиши**

Жорий йилнинг 5-6 март кунлари Чехия пойтахти Прага шаҳрида дзюдо бўйича Европа Очiq чемпионати бўлиб ўтади.

Дунёнинг 5 қитъаси 42 давлатидан жами 548 нафар (328 эркек, 220 аёл) спортчи иштирок этадиган нуфузли мусобақада Ўзбекистон терма жамоасининг 12 нафар вакили баҳс олиб боради.

Маълумот учун, вакилларимиз шу йилнинг февраль ойида Исроилнинг Тель-Авив шаҳрида ўтказилган нуфузли "Катта дубулга" турнирида иштирок этиб, битта кумуш медаль билан қийоғланган эди, холос.

Сухробжон САДИРОВ
Тошкент ҳақиқати/
тайёрлади

Тошкент воҳаси: афсона ва ҳақиқат

Ўзбекистон ҳудуди, манзилларига эътибор қаратсангиз, улуг қадамжолар, зиёрат ёдгорликларининг беқиёс намуналарига дуч келаверасиз. Кўп жиҳатдан уларнинг номларини эшитган бўлсакда, тарихи ва ибратидан беҳабар бўлишимиз мумкин.

Мамлакатимизнинг энг юқори қисмида жойлашган ёдгорлик ҳақида эшитганмисиз? У ердан чиқётган булоқ суви кўп дардларга шифо дейишади.

ТАРИХИЙ МАНЗИЛЛАР БЎЙЛАБ

саёҳат...

Тошкент вилояти Паркент туманидаги Кумушкон туризм қишлоғида жойлашган «Масжид Али» зиёратгоҳи халқ орасида алоҳида ихлос билан ёдга олинади.

Сабаби бу ер Ҳазрат Али (р.а) номи билан боғлиқ кўркем қадамжолар саналади. Бугун бу ерга нафақат Ўзбекистон, балки қўшни давлатлардан ҳам кўплаб зиёратчилар келишади.

Тошкент вилояти Маданий мерос бошқармаси бошлиғи Мансур Исроилов мазкур зиёратгоҳ тўғрисида қуйидагиларни хикоя қилди:

– Зиёратгоҳдаги 750-800 йиллик улкан чинор дарахти ва шифобахш булоқ мўъжизалари аҳоли ўртасида пайғамбаримиз Мухаммад (с.а.в.) нинг кўёви Ҳазрат Али ташрифи билан боғланади.

Албатта, Тошкент воҳаси шу тупроқда туғилиб ўсган буюк алломаларига авлиёлари, зиёратгоҳлари билан ҳам дунёга машҳур бўлган.

Шу сабабли, Буюк Ипак йўлида савдо-сотик, маданий-илмий мулоқот алмашинуви билан бир қаторда зиёрат маросимлари ҳам амалга оширилган. Жумладан, савдога қарвон билан узоқ сафарга чиқадиган олдидан ҳамда сафардан қайтганларидан сўнг зиёратгоҳларга ташриф буюришига одатланишган.

Маълумки, Ҳазрат Али мусулмонлар «Аҳли байт» деб улуғлаб кел-



ган пайғамбар (с.а.в.) авлодлари – «Сайидлар»нинг давомчисидир.

Ҳазрат Али ва унинг авлодлари билан боғлиқ зиёратгоҳлар мусулмон ўлкаларида кўплаб учрайди. Халифа Алининг Нажаф (Ироқ), Мозори Шариф (Афғонистон), Фарғона водийсининг Шохимардон қишлоқларидаги зиёратгоҳлари ҳам азалдан эъзозлаб келинган.

Ривоятларга кўра, Ҳазрат Али бу ерга Дулдул оти билан келди. Чинор остидан дам олиб, намоз ўқимокчи бўлади, аммо таҳорат учун сув топа

олмайди. Сув илнжида Оллоҳга илтижо қилади. Оллоҳнинг инояти ила булоқ пайдо бўлади. Шу сабабли булоқни маҳаллий халқ Авлиёбулоқ деб аташган.

Ҳазрати Али булоқ суви билан афсонавий Дулдул отини сургонган. Юқорида айтганимиздек, зиёратгоҳ 750-800 йиллик улкан чинор дарахти ва шифобахш булоғи билан машҳурдир. Айрим ривоятларга кўра унинг қамчисидан,

яна баъзи бирларида ҳассасидан чинор дарахти кўкариб чиққан, дейилади. Бу чинор ҳозир ҳам яшнаб турибди.

«Масжид Али» зиёратгоҳида дастлаб 1982 йил Кумушкон қишлоғи аҳолиси томонидан ҳашар йўли билан 1 та хонақоҳ ва 1 та айвон барпо этилган. 2010 йилда зиёратгоҳ Шарқ меъморчилиги асосида қайта бунёд этилган.

Кўк гумбазли масжид, мақбара, минора, зиёратчилар учун ошхона

ва дам олиш хоналари қурилиб, ўзига хос бетакорор зиёратгоҳга айлан-тирилди. Ҳозирда 3 та хонақоҳ, 1 та айвон мавжуд. Мазкур зиёратгоҳ масжиди Ўзбекистоннинг энг юқори қисмида жойлашган масжид ҳисобланади. Зиёратгоҳдан Кумушкон қишлоғи яққол кўриниб туради.

Ушбу муқаддас жойда жами 5 та булоқ бор. Булоқлардан чиқётган сув кумушга тўйинган бўлиб, таркибидаги 60 дан ортик микроэлементлар ошқозон-ичак касалликлари учун даво саналади. Шунингдек, турли хил яра касалликлари ҳам шифо эканлиги аниқланган.

Бугунги кунда «Масжид Али» зиёратгоҳи жойлашган Кумушкон қишлоғида «Кумушкон туризм қишлоғи» ташкил этилган. Зиёратчилар асосан баҳор ва куз фаслларида келишади.

Кумушкон қишлоғи ҳудудида IX-XI асрларда кумуш қазиб олинган машҳур конлар бўлган. Шу сабабли қишлоқ номи Кумушкон дея аталган.

Маълумот ўрнида айтиш мумкинки, Паркент туманида 69 та маданий мерос объеклари мавжуд.

Муҳайё ТОШҚОРАЕВА

Таълим муассасаларида



Бекобод шаҳридаги «Булоқариқ» маҳалласи ҳудудида жойлашган 20-сонли Болалар мусиқа ва санъат мактабида 57 нафар ўқитувчи 426 нафар ўқувчиларнинг истеъдодини юзага чиқариш мақсадида жонкуярлик қилишмоқда.

Мактабда беш ташаббус доирасида турли тўғарақлар фаолияти ҳам йўлга қўйилган. – Мактабимизда рас-

ректори Бахтиёр Аҳмедов. – Ўқувчиларимиз эришаётган ютуқлардан хурсандимиз. **Суратда: тасвирий санъат бўлими ўқитувчиси Дилдора Бекбоева машғулот пайтида.** Султонбой ДЕҲҚОНОВ олган сурат

Кўзгудаги ўзимиз

Таҳририятга бир кампир 6-синфда ўқийдиган ўғил неварасини етаклаб келди. Қўлида бир дафтар. «Шеърлар оқелдиёв», деб ўйлагандим, тахминим тўғри чиқди.

«КИТОБСЕВАР»

– Шу неварам роса талантли чиқди-да. Шеърларини газетага чиқариб бер, ука. «Дафтар тўла шеър бўлса керак, ўзинг раҳм қил, Худойим», деб очиб қарасам тўрттагина шеър турибди. Бу ёзувларни шеър дейиш – мени Жеки Чан, дейишдек гап-да.

– Қанақа китоблар ўқигансан? – болани саволга тутдим.

– Шууу... дарсликларни ўқиб тураман.
– Ҳмм... Бадиий китоблар ҳам ўқийсанми?
– Шу... адабиёт китобини ўқийман.
– Шоир бўлиш учун кўп китоб ўқиш керак. Кўп ўқисанг, яхши асарлар ёзасан, – деб насиҳатни бошлаган эдим, – кеча кўчадан бир даста китоб кўтариб кепти. Мусорхонадан топиб олибди, – деб кампир гапга аралашди. – Роса яхши кўради китобни.

Ийманиб, бепарво ўтирган болакай кампирга қараб, тилга кирди:

– Бугунам излаб кўраман. Макулатурага обдорсам, фалон минг сўм бўлади, буви, – деб калла қўйиб турибдику. **Муаллиф изоҳи:** болангизни ўзи қизиқмаган соҳага тикиштирманг. Балки ундан шоир эмас, зўр бизнесмен чиқар.

Отабек ЙЎЛДОШЕВ
Оққўрган тумани

ОЛМАЛИҚ КОН-МЕТАЛЛУРГИЯ КОМБИНАТИ
акциядорлик жамияти жамоаси

*табиатнинг буюк мўъжизаси бўлмиш
муҳтарама опа-сингилларимизни
баҳорнинг илк шуқуҳли айёми*

8 март ~
Халқаро хотин-қизлар кунини
билан табриклайди!

Гўзаллик ва назокат Сизларни ҳеч қачон тарк этмасин, мунис онажонлар, меҳрибон опа-сингиллар!

Реклама ҳуқуқи асосида



Muassis:
**TOSHKENT
VILOYATI
HOKIMLIGI**



“Toshkent haqiqati” va
“Tashkentskaya pravda”
gazetalarini tahrir hay'ati:

- Zoyir MIRZAYEV**
(tahrir hay'ati raisi)
- Umnat MIRZAQULOV**
Hotamjon SAYDAHMEDOV
G'afurjon MUHAMEDOV
Mahmud TOIR
Uskenboy ATEMOV
Salom SAMADOV
Ozoda PARPIBOYEVA
Abdulla XURSANOV
Mahmudjon BOLTABOYEV
Ra'no TURDIBOYEVA
Sergey MUTIN
Zarifa ERALIYEVA
Azamat KAMOLOV
- Bosh muharrir:
G'ayrat SHERALIYEV

Qabulxona:
(71) 233-64-95

Bosh muharrir o'rinbosari:
(71) 233-70-10

Mas'ul kotib:
(71) 233-90-82

Bo'lim muharrirlari:
(71) 233-38-23, (71) 233-48-08

E'lonlar va hisob-kitob bo'limi:
(71) 233-54-10

e-mail: toshkentaqiqati@umail.uz

Navbatchi muharrir:
Kumush EGAMBERDIYEVA
Mas'ul kotib:
Alloma AZIZOVA
Navbatchi:
Javlon HALILOV

Bosishga topshirish vaqti – 21.00.
Bosishga topshirildi – 22.30
Nashr ko'rsatkichi – 205.
Buyurtma G-335.
4 231 nusxada chop etildi.
Hajmi – 2 taboq. Ofset usulida bosildi. Qog'oz bichimi A-2.
Bahosi kelishilgan narxda.

Toshkent viloyati Axborot va ommaviy kommunikatsiyalar boshqarmasida
2011-yil 12-yanvarda
03-001 raqami bilan ro'yxatga olingan.

Manziliimiz:
111500, Nurafshon shahri,
Toshkent yo'li ko'chasi, 90.
Toshkent shahridagi ofsimiz: 100000,
Matbuotchilar ko'chasi, 32.
ISSN 2010-9318.

Gazeta «Toshkent haqiqati» tahririyati kompyuter markazida terildi va Tohir Mahmudxo'jayev tomonidan sahifalandi.

Haftaning chorshanba va shanba kunlari chiqadi.

«SHARQ» nashriyot-matbaa aksiyadorlik kompaniyasi bosmaxonasida bosildi.
Korxonani manzili:
Toshkent shahri,
Buyuk Turon ko'chasi, 41-uy.